



ՀԱՍՏԱՏՈՒՄ ԵՄ՝

Շրջակա միջավայրի նախարար

Համբարձում Մաթևոսյան

«29» 07 2025թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ N 199 - 25

Նախաձեռնող՝

«ՆՈՐ-ՎԱԳ» ՍՊԸ

Գեղարքունիքի մարզ, Լճաշեն, 2-րդ փողոց, 48 պտն

Գործունեությունը՝

Լճաշենի բազալտների հանքավայրի արդյունահանում

Գեղարքունիքի մարզ

Առդիր՝ 4 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱԿԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 199 - 25

«29» 07 2025թ.

**Գեղարքունիքի մարզի Լճաշենի բազալտների հանքավայրի արդյունահանման
աշխատանքների շրջակա միջավայրի վրա ազդեցության գնահատման
հաշվետվություն**

Նախաձեռնող՝	«ՆՈՐ-ՎԱԳ» ՍՊԸ
Փաստաթղթի տեսակը՝	Շրջակա միջավայրի վրա ազդեցության գնահատման հաշվետվություն/նախագիծ
Գործունեության տեսակը՝	«Ա» կատեգորիա
Գտնվելու վայրը՝	Գեղարքունիքի մարզ, Լճաշեն բնակավայր

Ներածական մաս. «ՆՈՐ-ՎԱԳ» ՍՊԸ-ն նախատեսում է օգտակար հանածոյի՝ բազալտի արդյունահանում իրականացնել Գեղարքունիքի մարզի Լճաշենի բազալտների հանքավայրում:

Համաձայն «Շրջակա միջավայրի վրա ազդեցության գնահատման և փորձաքննության մասին» օրենքի ՀՕ-150-Ն (այսուհետ՝ Օրենք) 12-րդ հոդվածի 3-րդ մասի 2-րդ կետի «թ» ենթակետի՝ նախատեսվող գործունեությունը դասվում է «Ա» կատեգորիայի գործունեության տեսակի:

Արդյունահանումը նախատեսվում է իրականացնել Գեղարքունիքի մարզի Սևան համայնքի Լճաշեն բնակավայրի վարչական տարածքում գտնվող հողամասում: Տեղամասի կենտրոնական հատվածի աշխարհագրական կոորդինատներն են՝ հյուսիսային լայնություն՝ 40°30'15,3", արևելյան երկայնություն՝ 44°57'1.6": Բացահանքի օտարման տարածքը կազմում է 15.466 հա: Հայցվող տեղամասն ուղիղ գծով գտնվում է Լճաշեն և Չկալովկա գյուղերը միացնող ասֆալտապատ ճանապարհից 200 մետր դեպի հարավ: Երևան-Սևան-Գավառ ավտոմայրուղուց այն գտնվում է 680 մետր դեպի հարավ, իսկ երկաթգծից՝ 55 մետր դեպի հյուսիս-արևելք: Սևանա լճից հայցվող տարածքը գտնվում է 600 մետր դեպի հարավ, «Սևան» ազգային պարկից 240 մետր հեռավորության վրա:



Նկարագրական մաս. Լճաշենի բազալտների հանքավայրի հայցվող տեղամասի լեռնաերկրաբանական և լեռնատեխնիկական պայմանները բարենպաստ են բաց եղանակով օգտակար հանածոյի արդյունահանման համար: Բացահանքում օգտակար հանածոյի անջատումը զանգվածից իրականացվելու է հիդրավլիկ մուրճի օգնությամբ: Արդյունահանվող օգտակար հանածոն՝ բազալտը, նախատեսվում է արդյունահանել որպես պատքարեր՝ օրական 116.77մ³, ջարդեքարեր՝ օրական 233.88մ³: Արդյունահանման արդյունքում առաջացող ջարդեքարերը /66,7%/ կարող են օգտագործվել որպես հումք շինարարական խճի և ավազի արտադրության համար:

Արդյունահանումը նախատեսվում է իրականացնել 20 տարվա ընթացքում: Մակաբացման ապարներն ըստ հաշվետվության, բացակայում են ամբողջ հայցվող տարածքում:

«ՆՈՐ-ՎԱԳ» ՍՊԸ-ի կողմից Լճաշենի բազալտների հանքավայրից հայցվող տեղամասի պաշարները կազմում են 2329.94հազ. մ³, որից՝ A –կարգով՝ 691946 մ³, B-կարգով՝ 1541418 մ³, C1 կարգով՝ 96576 մ³:

Արդյունահանված օգտակար հանածոն իրացվելու է տեղում՝ սպառողի ավտոտրանսպորտով: Արդյունահանման աշխատանքները կատարվելու են էքսկավատորի միջոցով՝ առանց հորատապայթեցման: Արդյունահանման ընթացքում իրականացվելու է մշակված տարածքի լեռնատեխնիկական և կենսաբանական ռեկուլտիվացիա:

Հայցվող տեղամասի կոորդինատներն են (ARMWGS-84 համակարգով)՝

- | | |
|-----------------------------------|------------------------------------|
| 1. Y=8495828.2409 X=4485298.9624, | 9. Y=8495871.2142 X=4485784.1440, |
| 2. Y=8495730.0208 X=4485346.2808, | 10. Y=8496008.1252 X=4485810.6300, |
| 3. Y=8495734.6872 X=4485364.0930, | 11. Y=8496028.3337 X=4485809.4160, |
| 4. Y=8495675.7192 X=4485478.8270, | 12. Y=8496029.0536 X=4485808.9374, |
| 5. Y=8495583.2522 X=4485461.8730, | 13. Y=8496057.3450 X=4485751.4495, |
| 6. Y=8495594.4964 X=4485411.5710, | 14. Y=8495972.9347 X=4485540.2241, |
| 7. Y=8495519.7412 X=4485447.5851, | 15. Y=8495828.2409 X=4485298.9624: |
| 8. Y=8495627.4942 X=4485726.0920, | |

Պատճառաբանական մաս. Փորձաքննական գործընթացում հաշվետվության վերաբերյալ, Օրենքով սահմանված կարգով պետական կառավարման, տեղական ինքնակառավարման մարմիններից և շրջակա միջավայրի նախարարության համապատասխան ստորաբաժիններից ստացվել են կարծիքներ, դիտողություններ և առաջարկություններ: Ստացված կարծիքները ամփոփվել են, որոնց ավելացվել են նաև մասնագետի դիտողություններ ու առաջարկությունները և հաշվետվությունն ուղղարկվել է «ՆՈՐ-ՎԱԳ» ՍՊԸ-ին լրամշակման:



Օրենքով սահմանված կարգով կազմակերպվել և իրականացվել են հանրային լուսմներ Սևան համայնքի Լճաշեն բնակավայրում:

Փորձաքննական գործընթացում հայցվող տարածքի հողամասի նպատակային ու գործառնական նշանակության վերաբերյալ ստացվել են տարբեր կարծիքներ պետական լիազոր մարմիններից և փաստագրվել է, որ առկա են անհամապատասխանություններ, մասնավորապես՝ կադաստրի կոմիտեի կողմից տրված կարծիքի համաձայն հայցող տարածքը հանդիսանում է՝ գյուղատնտեսական, արդյունաբերության, ընդերքօգտագործման և այլ արտադրական նպատակային նշանակության, Գեղարքունիքի մարզպետարանի կարծիքի համաձայն՝ պատմական և մշակութային հող է, իսկ ԿԳՄՍ նախարարության կողմից տրված կարծիք՝ Լճաշենի հնավայրի լանդշաֆտի պահպանման գոտի է:

Պետական փորձաքննական եզրակացությունը կազմվել է հիմք ընդունելով հետևյալ փորձաքննական հիմնավորումները՝

1. համաձայն փորձաքննական գործընթացում ներգրավված ԿԳՄՍ նախարարության կողմից ներկայացված կարծիքի, որում նշվել են նաև կոորդինատներ, հայցվող տարածքն ամբողջությամբ գտնվում է Լճաշենի հնավայրի լանդշաֆտի պահպանման գոտու սահմաններում: Լճաշենի հնավայրն ընդգրկված է «Հայաստանի Հանրապետության պետական սեփականություն համարվող և օտարման ոչ ենթակա պատմության եվ մշակույթի անշարժ հուշարձանների պետական ցուցակը հաստատելու մասին» 2007 թվականի մարտի 15-ի N 385 Ն որոշմամբ հաստատված ցուցակի մեջ: Համաձայն «Պատմության և մշակույթի անշարժ հուշարձանների և պատմական միջավայրի պահպանության և օգտագործման մասին» ՀՀ օրենքի 16-րդ հոդվածի՝ հուշարձանի պահպանական գոտիների տարածքը դասվում է պատմամշակութային նշանակության հողերի կատեգորիային և ունի այդ հողերի համար՝ Հայաստանի Հանրապետության օրենսդրությամբ սահմանված կարգավիճակ և օգտագործման ռեժիմ: Ելնելով վերոգրյալից՝ փաստագրվում է, որ լանդշաֆտի պահպանման գոտին ևս հանդիսանում է Լճաշենի հնավայրի տարածք: Համաձայն Ընդերքի մասին օրենսգրքի 26-րդ հոդվածի 1-ին մասի 2-րդ կետի՝ ընդերքի առանձին տեղամասերի օգտագործումն արգելվում է Հայաստանի Հանրապետության օրենսդրությամբ սահմանված կարգով, եթե հայցվող տեղամասում կան բնության, պատմության և մշակույթի հուշարձաններ: Հարկ է նշել նաև, որ Լճաշեն հնավայրի լանդշաֆտի պահպանման գոտու սահմաններում է գտնվում նաև «Քարե ծով» քարացրոններ (չինգիլներ) երկրաբանական հուշարձանը, որը գրանցված է ՀՀ կառավարության 2008 թվականի օգոստոսի 14-ի N° 967-Ն որոշմամբ հաստատված բնության հուշարձանների ցանկում:

2. Համաձայն քաղաքաշինության կոմիտեի նախագահի 2024 թվականի մարտի 1-ի N 06-Ն հրամանի հանքի սանիտարապաշտպանիչ գոտին սահմանվում է 300 մետր որը



համադրվում է «Սևան» ազգային պարկ» ՊՈԱԿ-ի տարածքի հետ: Հայցվող տարածքի քամիների վարդերի տվյալների վերլուծությունը ցույց է տալիս, որ տարեկան կտրվածքով քամիները փչում են հյուսիս-արևելք ուղղությամբ՝ դեպի «Սևան» ԱՊ ու Սևանա լիճ և արդյունահանման ընթացքում առաջացող փոշին և թափոնները քամու և անձրևաջրերի միջոցով կարող են ներթափանցել «Սևան» ԱՊ և Սևանա լիճ, ինչը բացասական ազդեցություն կունենա Սևանա լճի էկոհամակարգի վրա: Համաձայն «Սևանա լճի մասին» օրենքի (այսուհետ՝ Օրենք) 8-րդ հոդվածի՝ հայցվող տարածքը գտնվում է Սևանա լճի անմիջական ազդեցության գոտում, որը Օրենքի 8-րդ հոդվածի 1-ի կետի համաձայն, համարվում է Սևանա լճի ջրհավաք ավազանը: Օրենքի 10-րդ հոդվածի 1-ին մասի համաձայն՝ անմիջական ազդեցության գոտում արգելվում է Սևանա լճի էկոհամակարգի վրա վնասակար ազդեցություն ունեցող ցանկացած տեսակի գործունեություն:

ԵԶՐԱՓԱԿԻՉ ՄԱՍ

Հաշվի առնելով վերը նշված հիմնավորումները՝ «ՆՈՐ-ՎԱԳ» ՍՊԸ-ի կողմից փորձաքննության ներկայացված Գեղարքունիքի մարզի Լճաշենի բազալտների հանքավայրի արդյունահանման աշխատանքների՝ շրջակա միջավայրի վրա ազդեցության գնահատման հաշվետվությանը տրվում է պետական փորձաքննական բացասական եզրակացություն:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի
Ժամանակավոր պաշտոնակատար՝




Սևակ Մարկոսյան
23.07.2025թ.

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի
տնօրենի տեղակալ՝



Հերիքնազ Մկրտչյան

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի
առաջին կարգի մասնագետ՝



Սուսաննա Անտոնյան